



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo Et majori Præposito & Capitulo Maguntinensi.

urn:nbn:de:hbz:466:1-20020

WILLELMO DE VLTRAPORTV
Presbytero.

*doxis doctoribus & catholicis expositori-
bus perhibetur, non solum spiritualis gla-
dius, quo uitur sacerdotalis auctoritas,
sed etiam materialis, quem exerit secularis
potestas, est necessarius ad vindictam ma-
lefactorum, laudem vero bonorum. Ut au-
tem & vos spiritualem gladium, qui est
verbum Dei, adversus hereticos sine sus-
picione commodiū exeratis, volumus &
mandamus ut in prædicationis officio ad-
versus hujusmodi vulpes molientes vineam
Domini demoliri alis catholicis prædicato-
ribus vos jungatis, ejus exemplo qui
iustit segregari sibi Barnabae & Saulum in
opus quo illos assumpsit; ut quemadmo-
dum ex præcepto spiritus sancti antiquus
prædicator adjunctus est novo de persecu-
tore ad fidem converso, sic & vobis ab
errore nuper ad veritatem conversis præ-
dicatores jamdudum in sana probati doc-
trina jungantur, ut ipsi vobiscum & vos
cum illis sine suspicione qualibet verbum
Domini seminetis, Archiepiscopis & Epis-
copis aliisque Prelatis obedientiam & re-
verentiam humiliter impendentes, ut su-
per humilitatis fundamentum ædificium
boni operis construatis, illius imitantes
doctrinam qui de se dicit: *Dicte à me quia
mis sum & humilis corde.* Datum Viterbij
111. Non. Iulij, anno duodecimo.*

PRÆPOSITO ET CAPITVLO
sancti Michaëlis de Buccalonis
Constantinopolitan.

*bd. 70.
Sic p[ro]p[ter]e
h[ab]it p[ro]p[ter]e
in eis ap[er]ta.*

CVm à nobis petitur quod justum est
& honestum &c. usque eff[ec]tum. Ea-
propter, dilecti in Domino filij, vestris ju-
stis postulationibus grato concurrentes af-
feliu, personas vestras & locum in quo
divino estis obsequio mancipati, cum his
qua in præsentiarum rationabiliter possi-
detis, aut in futurum justis modis præstante
Domino poteritis adipisci, sub beati Pe-
tri & nostra protectione suscipimus. Spe-
cialiter autem casale sancti Focardi cum
pertinentiis suis, sicut illud ex largitione
carissimi in Christo filii nostri Constanti-
nopolitan Imperatoris illustris justè ac pa-
cificè possidetis, vobis & Ecclesiæ vestrae
per vos auctoritate apostolica confirmamus
& præsentis scripti patrocinio communim-
us. Nulli ergo omnino hominum liceat
hanc paginam nostræ protectionis & con-
firmationis infringere &c. usque incursu-
rum. Datum Viterbij iv. Non. Iulij, pon-
tificatus nostri anno duodecimo.

Tom. II. ♫

CVm à nobis petitur &c. usque effec-
tum. Eapropter, dilecte in Domino
filii, tuis justis postulationibus grato con-
currentes affeliu, beneficium quod in Ca-
ligran terra nobilis viri G. de Scornai te
canonicè proponis adeptum, sicut illud
justè possides & quietè, auctoritate tibi
apostolica confirmamus & præsentis scrip-
ti patrocinio communimus. Nulli ergo
omnino hominum liceat hanc paginam
nostræ confirmationis infringere &c. usque
incursum. Datum Viterbij v. Kal. Iulij,
pontificatus nostri anno duodecimo.

*Epiſ. 71.
Confirmatur
sibi beneficiū.*

PRÆPOSITO ET CAPITVLO
sancte Marie de Blakerna
Constantinopolitan.

CVm à nobis petitur &c. usque effec-
tum. Eapropter, dilecti in Domino
filii, vestris justis precibus inclinati perso-
nas vestras & dictam Ecclesiam, cuius estis
obsequio mancipati, cum iis quæ in præ-
sentiarum rationabiliter possideretis, aut in
futurum justis modis præstante Domino
poteritis adipisci, sub beati Petri & nostra
protectione suscipimus & præsentis scripti
patrocinio communimus. Nulli ergo &c.
hanc paginam nostræ protectionis &c. us-
que incursum. Datum Viterbij v. Non.
Iulij, pontificatus nostri anno duodecimo.

ARCHIEPISCOPO ET
majori Præposito & Capitulo
Maguntinenſi.

DIleetus filius magister Petrus Viter-
biensis Capellanus noster in nostra
proposituit præsenta constitutus quod cùm
olim tu, frater Archiepiscope, sincerita-
tem sua devotionis erga te per exhibito-
nem operis cognovissem, & forsitan exti-
mares quod pro familiari gratia in quam
eum suis meritis evocavimus gratum nobis
existeret beneficium quod tua sibi duceret
liberalitas impendendum, præbendam quæ
primò vacaverat post Cultodiam in Ec-
clesia Maguntina ipsi liberaliter concessisti,
eoque de ipsa per librum propriis ma-
nibus investito, ad oculum pacis recepisti
eundem in Canonicum Maguntinum, ita-
lum in Choro, vocem in Capitulo, locum
in mensa, & integrum ei stipendum con-
ferendo, sicut per publicum instrumen-
tum ac litteras tuo sigillo munita eviden-
ter appetet. Cùm igitur, si velitis atten-
dere quantum vobis & Ecclesia vestrae

*Epiſ. 72.
Suscipiantur
sub protec-
tione apostolice
sedis.*

Vu ij

340 Epistolarum Innocentij III.

possit idem Capellanus existere fructuosus, qui nobis ac fratribus nostris sua probitatis obtenuit carus & acceptus existit, non solum jam concessa servare sibi utile putaretis, verum etiam concedenda largiri, universitatem vestram rogamus attentius & monemus, per apostolica vobis scripta mandantes quatenus concessionem omnium premisorum *vobis factam ob reverentiam apostolicę sedis & nostram illibatam servantes, ipsum per dilectum filium Rotaldum Cellararium Maguntinum procuratorem suum in corporalem eorum possessionem inducere procureatis, proventus memorati stipendij medio tempore perceptos assignantes eidem, nonobstante illo quod novi Canonici præsentialiter facere consueverint dicuntur ibidem, preces apostolicas & mandatum taliter adimplendo quod & nos gerere possimus acceptum & idem Capellanus ad devotionem & obsequium vestrum fortius accendatur. Alioquin dilectis filiis Custodi Maguntino, Præposito & Decano Pinguensi Maguntinensis dioecesis dedimus in mandatis ut quod super hoc duxeritis faciendum nobis rescribere non omittant, ut per eorum relationem instruti, prout procedendum viderimus in ipso negotio procedamus. Datum Viterbij xiiii. Kal. Iulij, pontificatus nostri anno duodecimo.

Scriptum est ipsis super hoc in eundem ferme modum usque fortius accendatur. Quocirca discretioni vestrae per apostolica scripta mandamus quatenus prædictos Archiepiscopum, Præpositum, & Capitulum ad hoc inducere diligenteri procurantes, quod super hoc duxerint faciendum nobis rescribere procureatis; ut per vestram relationem instruti, prout procedendum viderimus in ipso negotio procedamus. Quod si non omnes &c. duo vestrum &c. Datum ut in alia.

*CUSTODI MAGUNTINENSI,
Præposito & Decano Pinguensi
Maguntinensis dioecesis.*

*Epiſt. 74.
De eadem re.*

Q Vanto dilectus filius magister Petrus Viterbiensis Capellanus noster dum studuit venerabili fratri nostro Maguntinensi Archiepiscopo & adhuc etiam se studere exhibere devotum, tanto speramus quod mandatum apostolicum sibi factum pro ipso debeat adimplere, maximè cum ignorare non debeat quin existat nobis acceptum quicquid honoris & gratiae sibi duxerit conferendum. Cum igitur, sicut eodem Capellano nobis innotuit exponen-

te, dictus Archiepiscopus liberaliter concesserit ei dudum Ecclesiam cuius provenit annui valeant decem marcas, sic ut per litteras suas & instrumenta publica evidenter apparet, eidem Archiepiscopo per scripta nostra mandavimus ut dictam Ecclesiam dilecto filio R. Cellario Maguntinensi procuratori suo non differat assignare. Quocirca discretioni vestrae per apostolica scripta mandamus quatenus prædictum Archiepiscopum ad hoc diligenter &c. ut in alia usque in finem. Quod si non omnes &c. duo vestrum &c. Datum Viterbij xiiii. Kal. Iulij, pontificatus nostri anno duodecimo.

*Scriptum est eidem Archiepiscopo super hoc,
ILLVSTRI REGI OTTONI
in Romanorum Imperatorem electo.*

S Incerissima caritatis affectio quam erga tuam regalem personam gerimus nos inducit ut quanto propensius regum zelamus honorem, tanto sollicitius tibi suadere curemus ne quid unquam per te vel tuos improvidè attentetur per quod ei valeat derogari. Sanè cùm non solum à nobis, sed ab Ecclesia penè tota speretur quod necessarius terræ sanctæ succursus tanto studiosius & potentius per tuam beatitudinem magnificantiam promoveri quanto misericordius & miserabilis manus Dei specialiter te ob hoc creditur exaltasse, sine grandi & gravi multorum scandalo non est factum quod dilectus filius Vicecomes Castrorum Ayrardi & quidam alij peregrini de transmarinis partibus redeentes de mandato, sicut dicitur, venerabilis fratis nostri Patriarchæ Aquilegensis legati tui nuper apud Cremonam, qua de causa nescimus, detentis sunt, nec permisisti ad propria liberè remeare. Cujus utique detestandi facinoris Patriarcham eundem executorem vir credimus extitisse, te vero nunquam fuisse credimus præceptorem, cùm ille non ignoraverit crucis signatos huiusmodi eundo & redeundo sub speciali sedis apostolicæ protectione consistere ac tam à se quā ab aliis Ecclesiarum prælatis non opprimi sed confoveri debere, tuque dudum excessum similem faltem in illustris memoriae Richardi Regis Anglie avunculi tui captione didiceris detestari, ut jam ipse committere perhorrescas quod prius in illo damnaveras cui te gaudemus in folio, non in scelere, successisse. Ceterum cùm in detentione peregrinorum ipsorum non ipsi tantum offendantur, sed quivis alius, immo Christus, ut de nostra &